

Юнус сураси, 12-оят

**ҚАЧОНКИ ИНСОНГА ЗАРАР
ЕТСА, ЁНБОШЛАГАН,
ҮТИРГАН ЁКИ ТУРГАН
ХОЛИДА БИЗГА ДУО
ҚИЛАДИР. УНДАН ЗАРАРИНИ
КЕТКАЗСАК, ХУДДИ ҮЗИГА
ЕТГАН ЗАРАР ҲАҚИДА БИЗГА
ДУО ҚИЛМАГАНДЕК,
КЕТАВЕРАДИР. ҲАДДИДАН
ОШГАНЛАРГА ҚИЛАЁТГАН
АМАЛЛАРИ АНА ШУНДАЙ
ЧИРОЙЛИ КҮРСАТИЛДИ.**

Юнус сураси, 12-оят
Мағарифи Ҳилал



@islomuz_kanal .

13:45 / 28.07.2017 8344

**Қачонки инсонга зарар етса, ёнбошлаган, үтирган ёки турган ҳолида
Бизга дуо қиласыр. Ундан зарарини кетказсак, худди үзига етганды
зарар ҳақида Бизга дуо қилмагандек, кетаверадыр. Ҳаддидан
ошганларга қилаётганды амаллари ана шундай чиройли күрсатылды.
(Юнус сураси, 12-оят)**

Инсон боласининг иши юришиб турганда, үзи соғ-саломат, тинч-омон ва
роҳат-фароғатда бўлганда ҳеч нарса билан иши йўқ, бу дунё ҳаётига
алданиб юраверади. Албатта, Аллоҳ ҳидоятга бошлаган мўмин-
мусулмонлар бундан мустасно.

Аммо мағурурланиб юрган ўша инсоннинг соғлиғигами, тинчлиғигами ёки
роҳатигами, футур етса, бошига мусибат келса, дарҳол ёдига Аллоҳ
тушади. Ҳа,

«Қачонки инсонга зарар етса, ёнбошлаган, ўтирган ёки турган ҳолида Бизга дуо қиладир».

Оғир кунда қолган инсон, ким бўлишидан қатъи назар, ёнбошлаган, ўтирган ёки тик турган ҳолида, яъни ҳар қандай ҳолатда Аллоҳга ёлворишини бошлайди. Ҳатто энг катта кофир, фосиқлар ҳаётида ҳам бундай воқеалар рўй берганига тарихда мисоллар кўп. Турли мусибатлардан кейин дин йўлига киргандарнинг кўплиги ҳам шу ҳолга далил. Аммо, афсуски, кўплар бундан ўзига яраша хулоса чиқариб олмайди. Бошига мусибат тушганда Аллоҳга ёлворади-ю,

«Ундан зарарини кетказсак, худди ўзига етган зарар ҳақида Бизга дуо қилмагандек, кетаверадир».

Яна аввалгидек, бу дунё ҳаётига ўзини уради. Аллоҳни унутади. Ўзининг бандалигини унутади. Бир куни келиб, яна қайта бошига мусибат тушиши мумкинлигини ҳам унутади. Ҳеч нарсадан тап тортмай, ибрат олмай, олдинги ҳолига тушиб қолади.

Бундай кимсаларни Аллоҳ таоло оятда «**ҳаддидан ошганлар**» деб атамоқда ва бошларига мусибат тушганда Аллоҳга ёлвориб, мусибат кўтарилигандан ҳеч нарса бўлмагандек кетаверишларини «исрофгарчилик» деб васф қилмоқда ҳамда бу ишлари ўзларига чиройли бўлиб кўринишини таъкидламоқда:

«Ҳаддидан ошганларга қилаётган амаллари ана шундай чиройли кўрсатилди».

Аммо бунинг оқибати яхшиликка олиб бормайди. Бунга олдин ўтган ҳаддидан ошганларнинг аҳволи ҳам далилдир.

Шайх Муҳаммад Содик Муҳаммад Юсуф

"Тафсири Ҳилол" китобидан